

Guangjisi Minzcu Bau

ganhhau: CN45-0036 B.2013 Nd.12 Ng.25 liggaueq gveiqceih nienz ndwenit ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3104期

Swcigih Dangjveij、Swcigih Yinzminz Cwngfuj Dingh Gih Raeuz Sam Nyied Sam Cuengqgyaj

自治区党委 自治区人民政府审议通过我区农历三月三放假

12 nyied 16 hauh, Swcigih Dangjveij Cangzveijvei lwnhyaeng ndei liux dingh gih raeuz liggaueq “Sam Nyied Sam” cuengqgyaj. Gaxgonq, aen genyi neix gaenq youz Swcigih Cibngeih Gaiq Yinzminz Cwngfuj Daih 17 Baez Cangzveijvei lwnhyaeng doenggyaq. Daj neix hwnj, liggaueq “Sam Nyied Sam” ndaej cingqsik dinghguh gih raeuz ngoenzciety conzdungj minzcuz, Swcigih Dangjveij、Swcigih Yinzminz Cwngfuj hawj vunz ndaw gih raeuz cuengqgyaj 2 ngoenz.

Liggaueq “Sam Nyied Sam”

ndaej gih raeuz Bouxcuengh、Bouxgun、Yauzcuz、Myauzcuz、Dungcuz daengj dangguh ngoenzciety youqgaenj. Youq Nanzningz、Liujcuh、Bwzswz、Hozciz、Cungzcoj、Laizbinh、Ginhcuh、Fangzcwnzg-gangj daengj si, gij dieg Bouxcuengh、Yauzcuz、Myauzcuz、Dungcuz daengj comzyouq nem mizmbangj Bouxgun daihgaiq gungh miz 2700 lai fanh vunz, miz gij sibgvenq dawz liggaueq “Sam Nyied Sam” dangguh ngoenzciety youqgaenj. Swcigih Dangjveij、Swcigih Yinzminz Cwngfuj dingh liggaueq “Sam Nyied Sam” guh

ngoenzciety youqgaenj conzdungj minzcuz, caemhcaiq cuengqgyaj 2 ngoenz. Neix couh ndaej hawj vunzlai swnjciety nem hungzyangz gih raeuz gij minzcuz conzdungj vwnzva maenhndei, coicaenh gih raeuz seveicujyi cingsaenz vwnzmingz gensez, caenh itbough laebmaenh nem fazcanj cungj seveicujyi minzcuz gvenhaeh doengzbingz、doxgiety doxcoengh、huzndei neix, coicaenh gak minzcuz doengzcaez doxgiety haenqguh, doengzcaez hoenghhwd fazcanj.

(Couh Vwnz)

Sanhgyangh: Dieg Dungcuz Ginzcong Vwnzva Hoengh

三江：侗乡群众文化繁荣



Gaenh bi daeuj, Sanhgyangh Dungcuz Swciety mboujduenh laeb maenh bingzdaiz hawj vunzlai lajmbanj guh vwnzva hozdung, gujli nem sonyinx Dungcuz nungzminz doenggyaq vwnzva hozdung gaijbienq naemjap、hengzguh. Neix mboujdanh hawj vunzlai gvaq ndaej lai mizyinx, youh mboujduenh doidoengh lajmbanj huzndei, lij hawj ndaw yienh neix Dungcuz ginzcong vwnzva ndaej mboujduenh hoenghhwd. Ndaw doz dwg 12 nyied 18 hauh, aen yienh neix Linzhieh Yangh Gvandung Cunh Mbanjgvansiuq doenghboux vunzmbanj youq banhaemh lienh yienh Dohyeh cezmuzy.

(Yangz Mingz)

Dwzbauij Yen Cuengh Gun Song Vah Saw Gyauiyuz Beizyin Cungsime Laebbaenz

德保县壮汉双语教育培训中心挂牌成立

12 nyied 13 hauh, Dwzbauij Yen youq Sawcuengh Yozyau venj baiz laebbaenz Cuengh Gun song vah saw gyauiyuz beizyin cungsime. Dwzbauij Yen dwg gih raeuz aen yienh sawqdiemj guh Cuengh Gun song vah saw sonhag haenx, miz Duh'anh Yangh Cungsime Yozyau、Lungzsangh Cin Cungsime Yozyau、Duh'anh Yangh Gizgyangh Cunh Vanzsiuj、Nazgyaz Yangh Dingluz

Cunh Vanzsiuj、Nazgyaz Yangh Dohmuz Cunh Vanzsiuj、Nazgyaz Yangh Nazluz Cunh Vanzsiuj daengj 3 aen yangh(cin) 7 aen yozyau dwg gih raeuz Cuengh Gun song vah saw sonhag sifan gihdi.

Laebbaenz Cuengh Gun song vah saw gyauiyuz beizyin cungsime le, daezhawj cujciety baujcanj gig miz rengz hawj aen yienh neix ndaej gyagiengz Cuengh Gun song vah saw

gyauiyuz gohyoz yenzgiu, caenh itbough daezsang gij guenjleix、yenzgiu naengzlig nem gij suijbingz sonhag doenghboux guh Cuengh Gun song vah saw gyauiyuz haenx, daezsang Cuengh Gun song vah saw gyauiyuz sonhag cizlieng, doihaeuj Cuengh Gun song vah saw sonhag gaijbienq nem fazcanj baenaj.

(Nungz Yungjfang)

SIUSIK DINJ 简讯

● 12 nyied 11 hauh, Cungzcoj Si Minzveij、Minzyijveij ganbu cizgungh bae daengz “Cungguek mbanjranz yisuz denhginz” — Lungzcuh Yen, soengq 12 aen denhginz Bouxcuengh hawj Lungzcuh Minzcuz Cunghyoz, aeu neix daeuj cihciz bangcoengh denhginz Bouxcuengh beizyin gihdi.

(fouzcoh)

● 12 nyied 10 hauh daengz 13 hauh, Gveilinz Si Minzveij youq Lungzswng Gak Cuz Swciety banh aen mbanj daegsack henho nem fazcanj gunghcoz beizyinbanh, baez neix gungh banh 4 ngoenz. Daengx si 12 aen yienh nem Yensanh Gih doenghboux bumwnz lingjdauj、Lungzswng Gak Cuz Swciety 10 aen yangh(cin) doenghboux lingjdauj nem vunz guh hong minzcuz de gungh 45 boux camgya baez beizyin neix.

(Cangh Gaijgiz)

● 12 nyied 14 hauh banhaet, 《Fwen Lwnh Baeuqroxdox》(Sawcuengh Sawgun Yinghyij doiqciuq) okbanj fathengz codanzveiy youq Denzyangz Baeuqroxdox Vwnzva Cungsime hai. Bonj saw neix ok le doiq vatgud、swnjciety nem riuz vwnzva Bouxcuengh bae gyae caemhcaiq riuz doh seiqgyaiq miz cozyung gig hung.

(Vangz Yisiu)

● 12 nyied 13 hauh, Lungzlinz Gak Cuz Swciety senhgyangjdonz daengz Dwzngoz Cin Lungcaz Cunh gaihcanj Dangj Cibbet Daih Cingsaenz senhgyangj hozdung, 40 lai boux dangjyenz ginzcong daeuj henz dingq. Baez hozdung neix aeu vah Myauzcuz daeuj gangj, yaugoj gig ndei.

(Dauz Dwzgvangh)

● Daj bineix daeuj, Nazboh Yen Minzcuzgiz gig yawjnaek hong fatbough siusik minzcuz. Daengz 12 nyied 15 hauh, gungh ndaej sinhvwnz meizdij yungh 168 diuz, ndawde Cunghgoz Minzcuz Bau aeu 4 diuz, Gvangsijh Minzcuz Bau aeu 45 diuz, Swcigih Minzveij Vangj aeu 39 diuz, Nazboh Yen Cwngfuj Vangj aeu 80 diuz.

(Vangz Bizvaz)